

სატენდერო დოკუმენტაცია

**ქ. რუსთავის „იუსტიციის სახლის“ შენობის, მისი ფასადისა და მიმდებარე
ტერიტორიის მოვლა-დასუფთავების მომსახურება, რუსთავის ქორწინების
სახლის და მისი ფასადის წმენდა
(CPV-90900000)**

**ერთობლივი სახელმწიფო შესყიდვა
ელექტრონული ტენდერის საშუალებით**

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს
კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული
ტენდერის ჩატარების წესის“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების
საფუძველზე.

ქ. თბილისი

2011 წელი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1-რეკვიზიტები.
5. დანართი №2- ხელშეკრულების შესრულების გარანტიის ფორმა
6. დანართი №3-ფასების ცხრილი.

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემის საშუალებით (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარტ გაეცნოს აფიდავიტს და დაეთანხმოს მას რა სახითაც წარმოდგენილი იქნება სახელმწიფო შესყიდვების ერთიან ელექტრონულ სისტემაში

1.4. ამის შემდეგ, მიმწოდებელი ვალდებულია, ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.5. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.6. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში ელექტრონული გარანტიის წარდგენა და საფასურის გადახდა შესაძლებელია განხორციელდეს სისტემის გამოყენების გარეშე.

1.7. ამ ინსტრუქციის 1.6 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველს ორგანიზაციას.

1.8. აღნიშნული ქმედების განხორციელების შემდეგ, თქვენ გაქვთ უფლება სისტემის მეშვეობით წარადგინოთ სატენდერო წინადადება.

1.9. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.

1.11. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.12. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

1.14. ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განსაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში პირველ შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი წინადადების ფასი დააფიქსირა, ხოლო ყოველ მომდევნო რაუნდში - ის

პრეტენდენტი, რომელმაც წინა რაუნდში ყველაზე მაღალი წინადადების ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში პირველ შეთავაზებას აკეთებს ის პრეტენდენტი, რომელმაც ბოლომ დააფიქსირა ასეთი ფასი. დამატებით რაუნდებში მონაწილეობა სავალდებულო არ არის.

1.17. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, ტექნიკური დოკუმენტაციის დაზუსტებისათვის შემსყიდველი მას განუსაზღვრავს გონივრულ ვადას, მაგრამ არაუმეტეს 3 სამუშაო დღისა. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.20. თუ აღნიშნულ ვადაში არ მოხდა წარმოდგენილი დოკუმენტაციის დაზუსტება, სატენდერო კომისია ახდენს პრეტენდენტის დისკვალიფიკაციას. იმ შემთხვევაში, თუ სისტემაში ტექნიკური დოკუმენტაცია ატვირთულია ხარვეზის მქონე ფაილის სახით (რომელიც არ იკითხება) შემსყიდველ ორგანიზაციას უფლება არ აქვს პრეტენდენტს მიმართოს ტექნიკური დოკუმენტაციის დაზუსტების მოთხოვნით.

1.21. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით, რისთვისაც შემსყიდველი მას განუსაზღვრავს გონივრულ ვადას, მაგრამ არაუმეტეს 5 სამუშაო დღისა.

1.22. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.23. პრეტენდენტის დისკვალიფიკაცია ხდება შემდეგ შემთხვევებში:

- ა) თუ მის მიერ წარმოდგენილი ტექნიკური დოკუმენტაცია (მათ შორის, ტექნიკური დოკუმენტაციის დაზუსტების შემდეგ) არ შეესაბამება სატენდერო განცხადებას ან/და სატენდერო დოკუმენტაციას;
- ბ) თუ პრეტენდენტი უარს იტყვის თავის სატენდერო წინადადებაზე;
- გ) თუ მის მიერ წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო განცხადებას ან/და სატენდერო დოკუმენტაციას;
- დ) თუ ის არ დააზუსტებს ტექნიკურ დოკუმენტაციას დადგენილ ვადაში;
- ე) თუ ის არ წარმოადგენს საკვალიფიკაციო მონაცემების დამადასტურებელ დოკუმენტებს ამ წესის მოთხოვნათა დაცვით;
- ვ) თუ ის არის გამარჯვებული პრეტენდენტი და უარს აცხადებს ხელშეკრულების დადებაზე ან არ წარმოადგენს ხელშეკრულების შესრულების უზრუნველყოფის გარანტიას;
- ზ) თუ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.

1.24 ამ პუნქტის 1.23 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.25 ელექტრონული ტენდერის შეწყვეტა:

- ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება

დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზეც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, ანაზღაუროს შესყიდვაში მონაწილეობასთან დაკავშირებული ხარჯები.

1.26 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.27 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.28 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

დამატებითი ინფორმაცია:

ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება პრეტენდენტის მიერ სახელმწიფო შესყიდვების ერთიანი ელექტრონული სისტემის მეშვეობით წარმოდგენილი სატენდერო წინადადების შესაბამისად.

პრეტენდენტს არ აქვს უფლება წარმოადგინოს ალტერნატიული სატენდერო წინადადება.

პრეტენდენტის მიერ სისტემაში ასატვირთი დოკუმენტები:

1. მომსახურების ჩამონათვალი;
2. რეკვიზიტები;
3. უფლებამოსილი წარმომადგენლის მიერ დადასტურებული თანხმობა გამარჯვების შემთხვევაში შესყიდვის ობიექტის ღირებულების 2%-ის ოდენობით, დანართი #2-ით გათვალისწინებული ფორმით ხელშეკრულების შესრულების საბანკო გარანტიის წარმოდგენის შესახებ.
4. ფასთა ცხრილი დანართი #3-ის შესაბამისად;
5. ინფორმაცია გამოცდილების შესახებ (ანალოგიური მომსახურების შესახებ).

უცხო ენაზე წარმოდგენის შემთხვევაში დოკუმენტს თან უნდა დაერთოს ქართულ ენაზე ნათარგმნი ვერსია, რომელიც დამოწმებული იქნება ნოტარიული წესით.

ანგარიშსწორება მოხდება უნაღდო ანგარიშსწორებით, ლარში.

წინასწარი ანგარიშსწორების პირობები არ განიხილება.

ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს ხელშეკრულების უზრუნველყოფის საბანკო გარანტია, სახელშეკრულებო ღირებულების 2%-ის ოდენობით. ხელშეკრულების შესრულების უზრუნველყოფის გარანტიის ვადა ერთი თვით უნდა აღემატებოდეს ხელშეკრულების მოქმედების ვადას.

პრეტენდენტის მიერ სახელმწიფო შესყიდვების ერთიან ელექტრონულ სისტემაში მითითებული სატენდერო წინადადების ფასი გამოსახული უნდა იყოს ეროვნულ ვალუტაში (ლარი), ყველა ხარჯისა და გადასახადის გათვალისწინებით (ტრანსპორტირების, კანონმდებლობით გათვალისწინებული გადასახადებისა თუ სხვა).

პრეტენდენტს შესაძლებლობა ეძლევა სატენდერო დოკუმენტაციის შესახებ დამატებითი ინფორმაცია და განმარტებები შესყიდვის პროცედურების შესახებ მოითხოვოს სატენდერო კომისიის აპარატის წევრებისგან:

თენგიზ ჯუღელი 291 05 17 შიდა 7058 ელ. ფოსტა tjugeli@napr.gov.ge
ჯაბა ჭუმბურიძე 291 05 17 შიდა 7058 ელ. ფოსტა j.chumburidze@napr.gov.ge

2. საკვალიფიკაციო მოთხოვნები

საკვალიფიკაციო მოთხოვნების თანახმად, პრედენდენტმა უნდა წარმოადგინოს შემდეგი დოკუმენტები:

2.1.1. იურიდიული პირებისა და ინდივიდუალური მეწარმეთათვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ) ცნობა, რომ მის მიმართ არ ხორციელდება რეორგანიზაცია ან ლიკვიდაცია (ცნობა საჯარო რეესტრის ეროვნული სააგენტოდან) (გარდა ინდივიდუალური მეწარმეებისა).

2.1.2 ფიზიკური პირებისათვის:

- ა) პირადობის მოწმობის ქსეროასლი;
- ბ) ცნობა უფლებამოსილი ორგანოდან, რომ მის მიმართ არ მიმდინარეობს გადახდისუუნარობის საქმის წარმოება;
- გ) მეწარმის სარეგისტრაციო მოწმობა.

2.1. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ამ წესის მე-2 მუხლის პირველი 3 პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.3. ანგარიშსწორების პირობები:

2.3.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით.

2.3.2. ანგარიშსწორება მოხდება უნაღდო ანგარიშსწორებით ლარში.

2.3.3. ანგარიშსწორება მოხდება ეტაპობრივად მიღება-ჩაბარების აქტის გაფორმებიდან 20 დღის განმავლობაში.

2.3.4. საავანსო ანგარიშსწორება არ გამოიყენება.

2.4. შესყიდვის ობიექტის ტექნიკური დავალება:

დაინტერესებულ პირებს აქვთ შესაძლებლობა ადგილზე გაეცნონ არსებულ ვითარებას.

მომსახურების განხორციელებისას გამოყენებული უნდა იქნეს მაღალი ხარისხის საშუალებები.

2.4.1 რუსთავის „იუსტიციის სახლი“-ს შენობაში (ქ. რუსთავი, გამარჯვების პარკის მიმდებარედ) არსებული 1327.21 კვ. შიდა ფართის მოვლა-დასუფთავება.

- უზრუნველყოს მომსახურე პერსონალის ფორმებით, აღჭურვილობით, ინვენტარით და სახარჯი მასალით სრულყოფილი მომარაგება;

- უზრუნველყოს ყოველდღიურად შენობის დასუფთავება (დერეფნები, სამუშაო ოთახები, მოქალაქეთა მისაღები ფართი, მიმდებარე კიბის უჯრედი), იატაკის მოწმენდა მშრალად და მტვერსასრუტით დასუფთავება, მტვრის მოშორება სხვადასხვა ჰორიზონტალური და ვერტიკალური ზედაპირებიდან, ურნების გათავისუფლება, ავეჯის წმენდა, საყოფაცხოვრებო ინვენტარის წმენდა და ა.შ), ასევე უზრუნველყოს საჭირო რაოდენობის დამლაგებლის ყოველდღიურად მომსახურება;

- უზრუნველყოს შენობაში დეზინფექცია-დერატიზაციის მომსახურების გაწევა თვეში ერთხელ, ასევე საჭიროების შემთხვევაში შემსყიდველის მოთხოვნის შესაბამისად;

- უზრუნველყოს შენობაში არსებული შენობაში არსებული მყარი იატაკის ქიმიური მორეცხვა თვეში ერთხელ, შენობაში არსებული იატაკის მოპრიალება მშრალად თვეში ორჯერ, შენობაში არსებული რბილი იატაკის ქიმიური წმენდა ორ თვეში ერთხელ, ასევე შენობაში არსებული რბილი ავეჯის ქიმიური წმენდა ხელშეკრულების მოქმედების პერიოდში ერთხელ;

- უზრუნველყოს სველი წერტილების სისუფთავე, ასევე უზრუნველყოს სველი წერტილების ქაღალდისა და თხევადი საპნის დისპანსერებით, ყოველდღიური აღჭურვა ტუალეტის ქაღალდებით, ხელის საწმენდი ქაღალდებით, თხევადი საპნებით და ჰაერის გამწმენდი აეროზოლებით;

- უზრუნველყოს შენობაში არსებული ფანჯრების წმენდა (შიდა მხარე - საჭიროებისამებრ), საჭიროებისამებრ დამხმარე მუშებით უზრუნველყოფა;

- უზრუნველყოს შენობაში არსებული საოფისე ინვენტარის, კარ-ფანჯრების, სველი წერტილების და სანგაყვანილობების გამართული ფუნქციონირება. საკუთარი ხარჯებით უზრუნველყოს სანგაყვანილობების, სამეურნეო საქონლის და სხვა საჭირო საშუალებების შეძენა - შეცვლა - შეკეთება (სველი წერტილების ინვენტარის, სანტექნიკური მასალების, ონკანების, წყლის, უნიტაზების, კანალიზაციის, სანიაღვრე გაყვანილობების, საკეტების, სახლურების, მინების შეძენა - შეცვლა - შეკეთება უნდა განხორციელდეს არსებული ინვენტარის იდენტურით ჩანაცვლებით);

- საკუთარი ხარჯებით უზრუნველყოს მცირეფასიანი ელექტრომოწყობილობების, (ელ. გაყვანილობების, ელ. მოწყობილობების, სანათი საშუალებების) გამართულად ფუნქციონირებისთვის საჭირო არსებული ინვენტარის იდენტურით მასალების და ნაწილების შეძენა და ჩანაცვლება.

შენიშვნა: მომსახურება უნდა განხორციელდეს შენობაში მიმდინარე სამუშაო პროცესის შეფერხების გარეშე.

2.4.2 რუსთავის „იუსტიციის სახლი“-ს შენობის (ქ. რუსთავი, ახალგაზრდობის პარკის მიმდებარედ) ავტოსადგომის და მიმდებარე ტერიტორიის დაგვა, დასუფთავება, ნაგვის გატანა

- ყოველ დღიით (დასვენების დღეების გარდა) უზრუნველყოს შენობის მიმდებარე ტერიტორიის (ავტოსადგომი, მიმდებარე ტერიტორია) დაგვა, დასუფთავება, ნაგვის გატანა.

შენიშვნა: მომსახურება უნდა განხორციელდეს შენობაში მიმდინარე სამუშაო პროცესის შეფერხების გარეშე.

2.4.3 რუსთავის „იუსტიციის სახლი“-ს შენობის (ქ. რუსთავი, ახალგაზრდობის პარკის მიმდებარედ) გარე ფასადის წმენდა (850კვ.მ)

- შემსყიდველის მოთხოვნის შესაბამისად უზრუნველყოს ხელშეკრულების მოქმედების პერიოდში არაუმეტეს 10-ჯერ შენობის მთლიანი გარე ფასადის დასუფთავება;

- ღირებულების გამომანგარიშებისას გათვალისწინებული უნდა იქნეს შენობის გარე ფასადის კონფიგურაცია.

- უზრუნველყოს მომსახურე პერსონალის სათანადო აღჭურვილობით, ინვენტარით და სახარჯი მასალით სრულყოფილი მომარაგება;

- მომსახურება განხორციელოს სათანადო გამოცდილების და/ან უნარ-ჩვევების მქონე პერსონალით;

- მომსახურებისას უზრუნველყოს ყველა არსებული და საჭირო უსაფრთხოების ზომის დაცვა;

- მომსახურება უნდა განხორციელდეს შემსყიდველის მოთხოვნიდან არაუგვიანეს 2 დღის ვადაში.

შენიშვნა: მომსახურება უნდა განხორციელდეს შენობაში მიმდინარე სამუშაო პროცესის შეფერხების გარეშე.

2.4.4 რუსთავის ქორწინების სახლის (ქ. რუსთავი, ახალგაზრდობის პარკის მიმდებარედ) გარე ფასადის და შიდა ფართის წმენდა(275 კვ.მ)

- შემსყიდველის მოთხოვნის შესაბამისად უზრუნველყოს ხელშეკრულების მოქმედების პერიოდში არაუმეტეს 10-ჯერ შენობის მთლიანი გარე ფასადის დასუფთავება;
- ღირებულების გამოანგარიშებისას გათვალისწინებული უნდა იქნეს შენობის გარე ფასადის კონფიგურაცია.
- უზრუნველყოს მომსახურე პერსონალის სათანადო აღჭურვილობით, ინვენტარით და სახარჯი მასალით სრულყოფილი მომარაგება;
- მომსახურება განხორციელოს სათანადო გამოცდილების და/ან უნარ-ჩვევების მქონე პერსონალით;
- მომსახურებისას უზრუნველყოს ყველა არსებული და საჭირო უსაფრთხოების ზომის დაცვა;
- მომსახურება უნდა განხორციელდეს შემსყიდველის მოთხოვნიდან არაუგვიანეს 2 დღის ვადაში.

შენიშვნა: მომსახურება უნდა განხორციელდეს შენობაში მიმდინარე სამუშაო პროცესის შეფერხების გარეშე.

2.5. მომსახურების გაწევის ვადები:

მომსახურება სავალდებულოა განხორციელდეს 2011 წლის 15 აგვისტოდან 2012 წლის 31 დეკემბრის ჩათვლით;

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„-----“ „-----“ 2011წ.

ერთის მხრივ სსიპ სამოქალაქო რეესტრის სააგენტო (მდებარე ქ. თბილისი, წერეთლის ქ. #67ა) წარმოდგენილი თავჯდომარის მოადგილის ნინო ინწკირველის სახით, შემდგომში წოდებული `შემსყიდველი #1`, _ სსიპ აღსრულების ეროვნული ბიურო (მდებარე ქ. თბილისი, დ. აღმაშენებლის ხეივანი, მე-10 კილომეტრი) წარმოდგენილი თავჯდომარის ნიკანორ მელიას სახით, შემდგომში წოდებული `შემსყიდველი #2`, _ სსიპ საჯარო რეესტრის ეროვნული სააგენტო (მდებარე ქ. თბილისი, წმ. ნიკოლოზის/წ. ჩხეიძის ქ. #2) წარმოდგენილი შესყიდვების სამსახურის უფროსის ლაშა მერაბიშვილის სახით, შემდგომში წოდებული `შემსყიდველი #3`

ერთის მხრივ სსიპ სამოქალაქო რეესტრის სააგენტო (შემდგომში შემსყიდველი #1), წარმოდგენილი —
_____სახით, სსიპ საჯარო რეესტრის ეროვნული სააგენტო (შემდგომში შემსყიდველი #2), წარმოდგენილი
_____სახით, სსიპ აღსრულების ეროვნული ბიურო (შემდგომში შემსყიდველი #3), წარმოდგენილი —
_____სახით, შემდგომში ერთად წოდებულნი, როგორც „შემსყიდველი“, და მეორეს მხრივ -----
(მისამართი: -----, საბანკო რეკვიზი ტები: -----), შემდგომში წოდებული „მიმწოდებლად“,
წარმოდგენილი მისი დირექტორის ----- სახით, ორივე ერთად წოდებული როგორც „მხარეები“,
ვმოქმედებთ, რა საქართველოს კანონმდებლობის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.

1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ქ. რუსთავის „იუსტიციის სახლი“-ს შენობისა და მისი მიმდებარე ტერიტორიის (ქ. რუსთავი, ახალგაზრდობის პარკის მიმდებარედ) მოვლა-დასუფთავება, ავტოსადგომის და მიმდებარე ტერიტორიის დაგვა, დასუფთავება, ნაგვის გატანა, შენობის გარე ფასადის წმენდა და ბათუმის ქორწინების სახლის გარე ფასადის წმენდა ხელშეკრულების დანართი #2-ის შესაბამისად

3. ხელშეკრულების ღირებულება

3.1. ხელშეკრულების ღირებულება შეადგენს არაუმეტეს ----- ლარს.

3.2. ხელშეკრულების ღირებულება შეიძლება შეიცვალოს (შემცირდეს) ხელშეკრულების დანართი #1-ის მე-3 და მე-4 პუნქტებით გათვალისწინებული მომსახურების განხორციელებული რაოდენობის გათვალისწინებით.

3.3. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1. მიმწოდებელი ვალდებულია:

- ა) განახორციელოს ხელშეკრულების მე-2 მუხლით გათვალისწინებული მომსახურება შემდეგ მისამართზე: ქ. რუსთავი, ახალგაზრდობის პარკის მიმდებარედ, „იუსტიციის სახლი“;
- ბ) უზრუნველყოს მომსახურების გაწევა ტექნიკური დავალების შესაბამისად;
- გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

5.1. შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

5.2. ხელშეკრულების ინსპექტირებას განახორციელებს _____ ინსპექტირების ჯგუფის წევრი.

5.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი გაწეულ მომსახურებაში, მიმწოდებელი ვალდებულია დაუყოვნებლივ გამოასწოროს წუნი.

6. მომსახურების მიღება-ჩაბარების წესი

6.1. მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის დადებითი დასკვნის საფუძველზე.

6.2. ხელშეკრულების დანართი #1-ის პირველი და მე-2 პუნქტებით გათვალისწინებული მიწოდებული მომსახურების შესახებ მიღება-ჩაბარების აქტი დგება ყოველი მომდევნო თვის 10 რიცხვამდე, ხოლო ამავე დანართის მე-3 და მე-4 პუნქტებით გათვალისწინებული მომსახურების მიწოდებისას მიღება-ჩაბარების აქტი დგება მიწოდებული მომსახურების გაწევიდან არაუგვიანეს 10 დღის ვადაში.

7. ანგარიშსწორება

7.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი #1, შემსყიდველი #2 და შემსყიდველი #3 ხელშეკრულების დანართი #1-ის პირველი პუნქტით გათვალისწინებული მომსახურების ღირებულებას იხდიან შემდეგი პროპორციით: შემსყიდველი #1 – მიწოდებული მომსახურების ღირებულების 33%, შემსყიდველი #2 – მიწოდებული მომსახურების ღირებულების 31% და შემსყიდველი #3 მიწოდებული მომსახურების ღირებულების 36%, ამავე დანართის მე-2 და მე-3 პუნქტებით გათვალისწინებულ მომსახურების ღირებულებას იხდიან თანაბარწილად, ხოლო ამავე დანართის მე-4 პუნქტით გათვალისწინებულ მომსახურების ღირებულებას იხდის შემსყიდველი #1.

7.3 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 20 (ცი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.4 ანგარიშსწორების საფუძველს წარმოადგენს მიღება-ჩაბარების აქტი და კანონმდებლობით გათვალისწინებულ შემთხვევაში მიმწოდებლის მიერ წარმოდგენილი 7.2 პუნქტის გათვალისწინებით შედგენილი საგადასახადო ანგარიშ-ფაქტურა.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული მომსახურების გაწევის ვადის გადაცილების შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 0.01%-ის ოდენობით.

9.2. წინამდებარე ხელშეკრულების 5.3 პუნქტით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

9.3. წინამდებარე ხელშეკრულების 7.2 პუნქტით განსაზღვრული გადახდის ვადის გადაცილების შემთხვევაში, შემსყიდველს ეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

9.4. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

10.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

12. ხელშეკრულების შესრულების გარანტია

12.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 2%-ის ოდენობის საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

12.2 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ორგანიზაცია ვალდებულია უზრუნველყოს გარანტიის დაუყოვნებლივ დაბრუნება.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2013 წლის 01 თებერვლის ჩათვლით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია ოთხი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო სამი - შემსყიდველს.

17. მხარეთა რეკვიზიტები:

შემსყიდველი:	მიმწოდებელი:
სსიპ სამოქალაქო რეესტრის სააგენტო მის: ქ. თბილისი აკ. წერეთლის გამზ. 67ა ს/ს საქართველოს ბანკი ც/ფ საიდენტიფიკაციო კოდი: 202307404 ბანკის კოდი: 220101502	_____, მისამართი: _____, საბანკო რეკვიზიტები: ანგ. №_____, _____, კოდი: _____, სკ - _____

ა/ა # 122031300; სსიპ საჯარო რეესტრის ეროვნული სააგენტო მის: ქ. თბილისი, წმინდა ნიკოლოზის/ნ.ჩხეიძის ქ. #2 ს/ს საქართველოს ბანკი ც/ფ ბანკის კოდი: 220101502 ა/ა # 169995200; ს/კ #202238621 სსიპ აღსრულების ეროვნული ბიურო მის: ქ. თბილისი, დ. აღმაშენებლის ხეივანი, მე-10 კილომეტრი	
--	--

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.
ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.
წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)

ფასების ცხრილი

პრეტენდენტის დასახელება _____

#	მომსახურების დასახელება	ერთეული	რაოდენობა	ერთეული ს ლირებულ ება	საერთო ღირებულება (ლარი)	მომსახურების გაწევის ადგილი
1	2	3	4	5	6	7
1	რუსთავის „იუსტიციის სახლი“-ს შენობაში არსებული 1327.21 კვ. შიდა ფართის მოვლა-დასუფთავება.	ყოველთვიური მომსახურება	17			ქ. რუსთავი, ახალგაზრდობის პარკის მიმდებარედ
2	რუსთავის „იუსტიციის სახლი“-ს შენობის (ქ. რუსთავი, ახალგაზრდობის პარკის მიმდებარედ) ავტოსადგომის და მიმდებარე ტერიტორიის დაგვა-დასუფთავება	ყოველთვიური მომსახურება	17			ქ. რუსთავი, ახალგაზრდობის პარკის მიმდებარედ
3	რუსთავის „იუსტიციის სახლი“-ს შენობის გარე ფასადის წმენდა	მთლიანი შენობის გარე ფასადის წმენდა	10			ქ. რუსთავი, ახალგაზრდობის პარკის მიმდებარედ
4	რუსთავის ქორწინების სახლის გარე ფასადის წმენდა	მთლიანი შენობის გარე ფასადის წმენდა	10			ქ. რუსთავი, ახალგაზრდობის პარკის მიმდებარედ